




QAQORTUP KOMMUNIA

IMMIKKOORTORTAMI
PILERSAARUSIAMUT C3-2-*mut*

NUNAMINERTAMI KILLILIKKAMI C3-MI IMMIKKOORTORTAMI PILERSAARUSIAQ ANDERS OLSENSVEJ - AUQO LYGESVEJ



Allattoqarfik (Sekretariatet)
Ma, 2007

SIULEQUT

Immikkoortortami pilersaarusiaq suuva?

Kommunimi pilersaarusionermermi pilersaarusionariaatsit marluupput: Kommunimi pilersaarusiaq kiisalu immikkoortortani pilersaarusiaq. Pilersaarusionariaatsit taakku marluk inatsisitigut aalajangersagaapput, tassa Inatsisartut Peqqussutaanni nr. 1-imi 18. juni 1987-imeersumi, nunaminertanik atuisinnaanermik pilersaarusionermillu imaqartumi.

Kommunimi pilersaarusiaq pingaarnertut aqutsisuusoq, immikkoortortami pilersaarusiaq piviusunngortitsinissamut sakkussaavoq. Kommunimi pilersaarusiap nunaminertat killilikkat tulleriat, taakkulu ataasiakkaat sunut atorneqarnissaannik aalajangersakkanut nassuiaatinik ilallit imarai. Nunaminertat taakku iluini annerusunik illuliortoqassatillugu sanaartortoqassatillugulu immikkoortortani pilersaarusionissaq kommunalbestyrelsip pisinnaatitaaffigalugulu pisussaaffigaa.

Tamanut saqqummiussinissamik aalajangersakkat

Inatsimmi aalajangerneqarsimavoq, kommunalbestyrelsip immikkoortortami pilersaarusiamut siunnersuutip inaarutaasumik akuersissutigineqarnerata kinguninnguatigut, siunnersuut tamanut saqqummiutissagaa.

Siunnersuut innuttaasunut takuniaruminartumi inissillugu saqqummiunneqassaaq sivikinnerpaamik sapaatit akunnerini arfinilinni (6).

Immikkoortortamut Pilersaarusiamut C3-2-mut atasumik tamanna piroq kommunip allaffiani illoqarfiullu atuakkanik atorniartarfiani, piffissami 8. januarimiit 2007 19. februar 2007 ilanngullugu.

Piffissami tassani innuttaasut kikkulluunniit immikkoortortami pilersaarusiamut akerliliinissamut imaluunniit allannguutissanik siunnersuuteqarnissamut periarfissaqarput. Piffimmi oqaaseqaatinik tigusaqarloqanngilaq.

QAQORTUP KOMMUNIA

IMMIKKOORTORTAMI PILERSAARUSIAQ C3-2

Nunaminertamut killilikkamut C3-mut immikkoortortami pilersaarusiaq

Imarisaata allattorsimaffia

A. IMMIKKOORTORTAMI PILERSAARUSIAMUT NAASSUIAAT

1. Immikkoortortami pilersaarusiap siunertaa	4
2. Siulequt aamma tunuliaqutaa	4
3. Immikkoortortami pilersaarusiap pilersaarusiонерup sinneranut sunniutai	4
4. Immikkoortortami pilersaarusiap inatsisitigut sunniutigigallagai	5
5. Immikkoortortami pilersaarusiap inaarutaasumik inatsisitigut sunniutai	5
6. Immikkut akuersisinnaanermut periarfissat	5
7. Piffissaq oqallisigineqarfia akuersissutigineqarneralu	6

B. IMMIKKOORTORTAMI PILERSAARUSIAMI MALERUAQQUSAT

§1. Immikkoortortami pilersaarusiap siunertaa	7
§2. Killilernerqarnera	7
§3. Atorneqarsinnaanera	8
§4. Aqqusernit, biilit uninngasarfii aqqutillu	8
§5. Sanaartorfissat killeqarfii	9
§6. Sanaartukkat annertussusiat inissisimanerallu	9
§7. Sanaartukkat avataaniit isikkuat	10
§8. Nunaminertat sanaartorfigineqanngitsut	10
§9. Avatangiisit illersorneqarnissaat	11
§10 Kussiorneq teknikkikkullu atortut	11
§11 Akuersissutigineqarluni atsiorneqarnera	12

TITARTAKKAT ILANNGUSSAT

Titartagaq nr. 1 Immikkoortortami pilersaarusiap titartagartaa

A. IMMIKKOORTORTAMI PILERSAARUSIAMUT NASSUIAAT

1. Immikkoortortami pilersaarusiap siunertaa

Immikkoortortami pilersaarusiap C3-2-p siunertaraa:

- a) pisortat namminersortullu sullissiviinik, pisortat namminersortullu ataatsimoorussamik pigisaannik taakkununngalu atasumik inissianik sanaartornissat immikkoortortami pilersaarusiamik sananikkut tunngavissinneqarnissaat.
- b) nunaminertamut killilikkamut C3-mut tamakkiisumik pilersaarusiornissaq.
- c) nunaminertami C3-2-mi nunaminertamik atuinnissami sanartormilu periusissat aalajangersarnissaat, taakkununga ilanngullugit sanaartorfissat sanaartukkanik assigiinngitsunik sanaffigineqarsinnaasut kiisalu nunaminertat sanaartorfissaanngitsut (qorsuttat) toqqarneqarnissaat.
- d) nunaminertami killilikkami C3-mi siunissami sanaartugassat tassani avatangiisinut pioreersunut naleqqussarneqarnissaasa qularnaarneqarnissaat anguniarlugu aalajangersakkanik ilusilersuinissaq.

2. Siulequt aamma tunuliaqutaa

Immikkoortortami pilersaarusiamut tunuliaqutaavoq (patsisaavoq) nunaminertap Hotel Qaqortoq-mut atugassanngortinneqarsimasup avinneqarnissaata pisariaqalersimamera, nunaminertap taassuma, hotelip Brugsenillu akornanniittup, avinneqarneratigut Brugsen hotel-ilu alliliinissamut periarfissinneqassammata. Peqatigitillugu illoqarfiup qiterpasissuani tassani tamarmi tamat sianigalugit pilersaarusiornissaq kissaatigineqarpoq, taamaalilluni siunissami tamaani sanaartorneqartussat pioreersunut tulluarsarneqartarnissaat qularnaarneqassammat.

3. Immikkoortortami pilersaarusiap pilersaarusiornierup sinneranut sunniutai

Immikkoortortami Pilersaarusiaq C3-2 Qaqortup Kommuniiani Kommunimut Pilersaarusiami 2004 - 2014-mi nunaminertamut killilikkamut C3-mut tamarmut atuuppoq.

C3-p nassuiaatitaani taaneqarsimavoq, nunaminertaq taanna pisortat namminersortullu sullissiviinut, pisortat namminersortullu ataatsimoorussamik pigisaannut taakkununngalu atasumik inissianut atorneqarsinnaasoq. Sanaartukkat init quleriit marlunnit kiisalu toqqaviisa appasinnerpaaffianniit 12 meterinik portunerutinnagit sananeqartassapput.

Immikkoortortami pilersaarusiamut tassunga atasumik kommunimi pilersaarusiamut tapiliussamik sanasoqarsimanngilaq.

Immikkoortortami Pilersaarusiap C3-2-p akuersissutigineqarneratigut siusinnerusukkut Immikkoortortami Pilersaarusiaq C3-1, illoqarfiup qiterpasissuani illunik sullissivinnik imaqartoq, atorunnaarsinneqassaaq.

4. Immikkoortortami pilersaarusiap inatsisitigut sunniutigigallagai

Immikkoortortami pilersaarusiamut siunnersuut tamanut saqqummiunneqarpat, nunaminertat, illut sanaallu allat immikkoortortami pilersaarusiamut ilaatinneqartut, sanaffigineqarnatilluunniit atorneqassanngillat, immikkoortortami inaarutaasumik pilersaarusiap suli akuerineqanngitsup imarisaanut naapertuuttunik siumoortumik iliuuseqartoqarsinnaanera pingitsoorniarlugu.

Akerliliinissamat piffissaliunneqartoq naappat, akerliliissutinillu tunniussisoqarsimanngippat kommunalbestyrelsip, nunaminertap immikkoortortami pilersaarusiamut siunnersuummi ilaatinneqartup atorneqarnissaa imaluunniit sanaffigineqarnissaa akuersissutigisinnaavaa, atorneqarnera sanaartorfineqarneralu immikkoortortami pilersaarusiamut siunnersuutip imarisaanut akerliunngippata.

Pilersaarusiap inatsisitigut sunniutigigallagai immikkoortortami pilersaarusiamut siunnersuutip akuerineqareernissaata imaluunniit akuersinerup tamanut nalunaarutigineqareernissaata tungaanut atuutissapput.

5. Immikkoortortami pilersaarusiap inaarutaasumik inatsisitigut sunniutai

Immikkoortortami pilersaarusiap inaarutaasumik akuerineqarsimasup killeqarfiata iluani, immikkoortortami pilersaarusiami aalajangersakkanut akerliusumik iliuuseqartoqarnanilu aallartitsisoqassanngilaq.

Inatsisinut akerliunngitsumik ingerlataareersut ingerlatiinnarneqarsinnaapput.

6. Immikkut akuersisinnaanermut periarfissat

Immikkut pisoqartillugu kommunalbestyrelse annikitsumik allannguissanut immikkut akuersissuteqarsinnaavoq taakku immikkoortortami pilersaarusiami periusissanut akerliunngippata. Allannguutissat annerusut immikkoortortami nutaamik pilersaarusioreernikkut aatsaat pisinnaapput.

Immikkoortortami pilersaarusiap, nunaminertat, illut sanaartukkallu allat, pilersaarusiap iluaneereersut pilersinneqarnissaat atorneqalernissaallu ingerlaannartumik kingunerisussaanngilaa.

Inatsisinut akerliunngitsumik ingerlataareersut ingerlatiinnarneqarsinnaapput.

7. Piffissaq oqallisigineqarfia aammalu akuersissutigineqarnera

Immikkoortortami Pilersaarusiarnut C3-2-mut siunnersuut tamanut oqallisissanngorlugu saqqummiunneqarpoq piffissami januaarip 8-niit 2007 februaarip 19-a 2007 ilanngullugu. Piffissami oqallisigineqarfiani immikkoortortami pilersaarusiarnut siunnersuummut oqaaseqaateqarnissamut uparuaanissamullu periarfissaqarpoq. Oqaaseqaatit uparuaanerillu piffissaagallartillugu tiguneqartut immikkoortortami pilersaarusiap inaarutaasumik kommunalbestyrelsimi suliarineqarnerani ilanngullugit oqaluuserineqassapput.

Piffissaq tamanut saqqummiunneqarfia naappat Kommunalbestyrelsip immikkoortortami pilersaarusiarnut inaarutaasumik akuerineqarsinnaanersoq isummerfigissavaa, tassunga ilanngullugu immikkoortortami pilersaarusiarnut siunnersuummut tamanut saqqummiunneqarsimasumut sanilliullugu allannguuteqartinneqassanersoq aamma aalajangissallugu.

B. IMMikkoortortami pilersaarusiami MALERUAQQUSAT

§1. Immikkoortortami pilersaarusiap siunertaa

Imm. 1.1 Immikkoortortami pilersaarusiap, sanaartorfissatut toqqarneqarsimasut hotelip Brugsen-llu alliffissaatut atorneqarnissaat qularnaassagaa.

Imm. 1.2 Kommunitami pilersaarusiami nunaminertami killilikkami C3-mi aalajangersakkat malillugit immikkoortortami pilersaarusiap immikkoortortami pilersaarusiortofiusumi nunaminertanik atuinermi sanaartornermilu periusissat aalajangissavai.

Imm. 1.3 Immikkoortortami pilersaarusiap illoqarfiup qiterpasissuani pisuinnaat aqquata eqqaani biilnut uninngasarfeqarnissamut tunngasut aalajangissavai.

Imm. 1.4 Immikkoortortami pilersaarusiap, siunissami sanaartugassat avatangiisinut pioreersunut naapertuuttumik (naleqquttumik) sananeqartarnissaat qularnaassavaa.

§2. Killilerneqarnera

Imm. 2.1 Nunaminertaq immikkoortortami pilersaarusiortofiusoq nunaminertamit killilikkamit C3-mit killiligaavoq. Killilerneqarnera immikkoortortami pilersaarusiap titartagartaani nr. 1-imi takutinneqarpoq.

Imm.2.2 Nunaminertaq immikkoortortami pilersaarusiortofiusoq sanaartorfissanut marlunnut avitaavoq, tamanna immikkoortortami pilersaarusiap titartagartaani nr. 1-imi takuneqarsinnaavoq.

Nunaminertaq immikkoortortamut annertusaavigineqartussanut marlunnut, sanaartorfissaq A-tut B-tullu taaguuserneqarsimasunut, avitaavoq. Nunaminertat tassaapput siusinnerusukkut Hotel Qaqortoq-mut tunniunneqarsimagaluartut, kingusinnerusukkulli allanngortiterinerup pilersaarutinillu annikillilerinerup kingunerisaanik nunaminernut minnerusunut marlunnut avinneqarsimasut. Nunaminertat minnerusut taakku marluk Brugsen-ip Hotel Qaqortoq-llu akornanni avinneqarsimapput, katillutillu angissusiat nunaminertamut siusinnerusukkut hotel-ip alliffissaatut tunniunneqarsimagaluartutut angissuseqarluni.

§3. Atorneqarsinnaanera

Imm.3.1 Nunaminertaq taanna pilersaaruserfiusoq pisortat namminersortullu sullissiviinut, pisortat namminersortullu ataatsimoorussamik pigisaannut taakkunungalu atasumik inissianut atorneqarsinnaavoq. Sanaartukkat init quleriit marlunnit kiisalu toqqaviisa appasinnerpaaffianniit 12 meterinik portunerutinnagit sananeqartassapput.

Imm.3.2 Kommunalbestyrelsip qinnuteqaatit tunngavigalugit, sullissivinut inissianullu ataasiakkaanut atasumik garageliornissaq, carportiliornissaq, minnerusunik quiliornissaq, qimminut ungaluisaliornissaq il. il. akuersissutigisinnaavaa, ungasissusissanut malittarisassat malinneqarpata qinnuteqaatigineqartullu eqqaamiorisanut akornutaanngippata.

Imm.3.3 Immikkoortortami pilersaaruserfiusumi nutaanik illuliortoqarsinnaanngilaq, pioreersulli taartissaannik sanasoqarsinnaatitaavoq.

Imm.3.4 Sanaartorfissaq A hotelip allissutissaanut atorneqarsinnaavoq. Sanaartorfissaq B Brugsen-ip allissutissaanut atorneqarsinnaavoq.

Imm.3.5 Nunaminertami sanaartorfissatut aalajangerneqarsimasup iluani nunaminertamik tunineqarnissamik qinnuteqaateqarnermi atuinnissamut siunnersuusiortoqartassaaq (sananiarneqartup qulaanit saneraanillu isigalugit titartarneri uuttuutai 1 : 100) qinnuteqaammut ilanngullugu nassiunneqartussamik kommunalbestyrelsimillu akuerineqartussamik.

§4. Aqqusernit, biilit uninngasarfi aqqutillu

Imm.4.1 Immikkoortortami aqqusernit pingaernerit illoqarfiup immikkoortuani aqqusernit taaneqarsinnaasut tassaapput Anders Olsensvej, Majavej aamma Augo Lyngesvej. Immikkoortup pilersaaruserfiusup taassuma tungaanut aqqutigineqartartut pingaernerit tassaapput Anders Olsensvej, Augo Lyngesvej Vatikanbakken-lu.

Imm.4.2 Anders Olsensvej-ip eqqaani biilinit uninngasarfiit Brugsen-ip allakkeriviullu akornanni kiisalu Brugsen-ip kommunip allaffiata oqaluffiullu akornanni inissinneqarsimapput. Brugsen-ip allilernerqarneranut atasumik Brugsen-ip kommunip allaffiata oqaluffiullu akornanni biilinit uninngasarfiup allineqarnissaa kommunalbestyrelsimit akuerineqaaqqaassaaq.

Imm.4.4 Aqqusineqqat minnerusut nutaat 2 meterinik silissusilerlugit sananeqartassapput.

Imm.4.5 Aqqusernit, biilit kaajallattarfii biilillu uninngasarfi asfaltimik qalligaassapput.

Imm.4.6 Illoqarfiup qiterpasissuani aqqusineq sanaartorfissap A-p eqqaaniittoq pisuinnarnut naatsorsuutaavoq, kisianni hotel-imut sullissivinnullu ingerlasut nioqqutissallu biilnik biilnut uninngasarfiup pulasariaaniit niujartorneqarsinnaapput. Aqqusinermi tassani biilnik ingerlanermi pisuinnaat pingaernerutinneqassapput. Brugsen-imut nioqqutissanik eqqussuineq Anders Olsensvej-imiit Brugsen-ip avannamut samminerani taamaallaat pisassaaq.

Imm.4.7 Hotel-imit sullissivinniillu allanit eqqagassat biilnik aaneqarsinnaapput.

§5. Sanaartorfissat killeqarfii

Imm.5.1 Illoqarfiup immikkoortuani aqqusernit killingini sanaartorfissat killeqarfii aqqusernit qeqqaniit 7 meterinik ungasissuseqassapput.

Imm.5.2 Nunaminertaq sanaartorfissat killeqarfiisa aqqusernullu akornanniittoq teknikkikkut siunertanut (soorlu biilit uninngasarfinut, kussinernut il. il.) atorneqassaaq allanillu sanaffigineqaqqusaanngilaq.

§6. Sanaartukkat annertussusiat inissisimanerallu

Imm.6.1 Sanaartukkat malittarisassat immikkoortortami pilersaarusiap titartagartaani takutinneqartut malillugit sananeqartassapput.

Imm.6.2 Sanaartukkat sanaartorfissat killeqarfiisa immikkoortortami pilersaarusiap titartagartaani takutinneqartut iluini taamaallaat sananeqarsinnaapput.

Imm.6.3 Sanaartukkat ininit quleriinnit marlunnit portunerutinnagit sananeqartassapput illullu portussusiisa 8 meter qaangissanngilaat. Nunalli ilusiata periarfissaqartippagu "naqqup ataani" iniliortoqarsinnaavoq. Sanaartukkat (illut) ataasiakkaat portussusissaasa aalajangerneqarnerini eqqaamiorisat isikkiveqarmissaat mianerineqartassaaq.

Imm.6.4 Toqqaviit pisariaqarnera sinnerlugu portussusilerneqartassanngillat. Toqqaviit beton-it nuisaneri annerpaamik 1 meterinik portussuseqassapput. Toqqaviit portunerugaangata portunerussutaat illup silataani iigaatut qalligaasassaaq.

Imm.6.5 Illut qaliaat illugiinnik uvingasuussapput.

Imm.6.6 Brugsen-ip Hotel-llu isertariaat pingaernerit taakku akornanni aqqusinermit sammissapput. Tassa imaappoq igalaavi matuilu tassunga sammissallutik.

Imm.6.7 Brugsen-ip Hotel-llu silataani iigaat qalliuteqassapput qaliaallu qernertunik pappialarsuaqassallutik.

Imm.6.8 Sanaartukkat atortorissaarutillu eqqaaniittut nunap ilusaanut naleqqussarneqassapput.

§7. Sanaartukkat avataaniit isikkuat

Imm.7.1 Sanaartukkat illuliornermi kusanartulioriaaseq eqqorlugu avatangiisinullu naleqquttumik isikkoqartinneqassapput. Siunissami sanaartorneqartussat iigaat silarliit sanaartorfimmi tassani illut pioreersut iigaattut qisummik qalliuteqarnissaat sapinngisamik anguniarneqartassaaq.

Imm.7.2 Illut qalipaatisai, sananeqaatisai ilusissaalu teknikkimut tunngasunut ataatsimiititaliamit tamatigut akuerineqaqqaartassapput.

Imm.7.3 Illut silataasa qalipaataat illoqarfiup qiterpasissuani qalipaatingitneqartunit allaanerussanngillat taamaattumillu illut ataasiakkaat maannakut isikkunit allanngortitsisumik (ersarinnerusumik) qalipaaserneqassanatik (taamaattumik qalipaatis pink, lilla, qernertoq, qorsuk qaamasoq, kajortoq taartoq mintgrøn-ilu atorneqassanngillat).

Imm.7.4 Allagartalersuineq takoqqusaarutinillu nivinngaassuineq taamaallaat kommunip akuersissuteqarneratigut pisassaaq.

§8. Nunaminertat sanaartorfigineqanngitsut

Imm.8.1 Illut eqqaanni nunaminertat manissarneqassapput kussernit tungaannut sivingalaartunngorlugit nunaminertallu takujuminartuutinneqassapput.

Imm.8.2 Qorsuttat sanaartorfigineqanngitsut allanngortinneqassanngillat siunertanullu allanut atorneqassanatik.

Imm.8.3 Nunaminertat immikkoortortap pilersaaruseriusup iluaniittut ilioqqaavittut atorneqassanngillat, taamatuttaarlu umiatsianik inissiivigineqassanatik, quiliorfigineqassanatik, eqqaavigineqassanatik tamakkulu assigisaannut allanut atorneqassanatik.

Imm.8.4 Sanaartorfissap iluani suliassat pisariaqartut saniatigut nunataa allanngortinneqassanngilaq, ujaqqat issorlu qaartiterneqassanatik nuunneqassanatik: Tamatumani minnerungitsumik pineqarput ujaqqat nunap qaaniittut ujaqqallu eqqumiittsuliak qaarsumilu kigartukkat Brugsen-ip hotelillu akornanniittut.

Imm.8.5 Illumik piginnittoq pisussaavoq illup eqqaani nuna sanaartorfigineqanngitsaq torersuutissallugu. Illup eqqaa sukujunnik iloraavittut atorneqassanngilaq.

Imm.8.6 Nunaminertat sanaartorfigineqanngitsut qorsuttaat sanaartornermut allamulluunniit atasumik ajoquserneqarsimasut iluarsaanneqassapput.

Imm.8.7 Qaarsaq issorluunniit aserorterneqassanngillat. Immikkut akuerineqarsimanngikkaanni qaarsunik qaartiterisoqaranilu ujaqqanik allamut nutserisoqassanngilaq.

Imm.8.8 Nunaminertat sanaartorfigineqanngitsut sukuluitsuutinneqassapput isikkuminartuutinneqassallutillu.

Imm.8.9 Qaarsunik qaartiterineq, illoqarfiullu qiterpasissuani Brugsen-ip, oqaluffiup kiisalu Brugsen-ip allakkeriviullu akornanni biilnut uninngasarfiup akornanni aqqummi nunagissaaneq flisellersuinerlu suliarineqarlutillu ataatsimoorullugit hotelimit, Brugsen-imit kommunimillu akilerneqassapput, maannakkut isumaqatigiissutaasimasut tunngavigalugit.

§9. Avatangiisit illersorneqarnissaat

Imm.9.1 Avatangiisit illersorneqarnissaat pillugu aalajangersakkat atuuttut malinneqassapput.

Imm.9.2 Sanaartorfissami A-mi ujaqqanik sanaanik qiperugaqarpoq, pilersaarusiasmut "Ujarak Inullu"-mut atasunik sananeqarsimasunik. Taakku sanaartorfissap iluani sanaartortoqassappat sanaartortoqassanngikkaluarpalluunniit pigiinnarneqassapput. Ujaqqanik qeperukkat taakku pigiinnarneqarnissaat allamut nuunneqarnerisigut aaqqinneqarsinnaavoq.

§10. Kussiorneq teknikkikkullu atortut

Imm.10.1 Illut tamarmik nunaminertami pisortat eqqakkanut kuuffiitaanut atassusigaassapput. Sanaartorfissani taakkunani marluni eqqakkanut kuuffiit aqqusernit aqqusineeqqallu sinerlugit tamakkununga inissivigeqqusani sapinngisamik inissinniarneqartassapput.

Imm.10.2 Nunap qaani imeq, tassunga ilaalluni qaliap qaavaniit kuuttoq, eqqakkat kuuffiinnut atassuserlugu kuutsinneqartassanngilaq, kussinertigulli kuutsinneqartassalluni, sanaartukkat, nunaminertat, aqqusineeqqat, uninngasarfiit il. il. akornuserneqaaqqunagit.

Imm.10.3 Erngup aqqutaanik, eqqakkat kuuffiinik, kiassaatit aqqutaannik, telefonit-innaallagissallu aqqutaannik atassusiinissaq aqqusernit aqqusineeqqallu sinerlugit pisassaaq. Pilersuinerlut atassutit pioreersut tamatigut innimigineqartassapput.

§11. Akuersissutigineqarluni atsiorneqarnera

Immikkoortortamut Pilersaarut C3-2-p Immikkoortortami Pilersaarut C3-1 siusinnerusukkut atuuttoq atorunnaarsippaa.

Immikkoortortami pilersaarusiamut siunnersuut Kommunalbestyrelsimit 22. november 2006 akuerineqarpoq.




Simon Simonsen
Borgmesteri



Jørgen Vetterlain
Kommunaldirektøri

Immikkoortortami Pilersaarut C3-2 Kommunalbestyrelsimit inaarutaasumik akuerineqarpoq ulloq 25. april 2007



Simon Simonsen
Borgmesteri



Jørgen Vetterlain
Kommunaldirektøri

Immikkoortortami Pilersaarut C3-2 atuutilersutut tamanut nalunaarutigineqarpoq ulloq 16.maj 2007.

Lokalplanforslag C3-2 for rammeområde C3

